



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr. 1886, datë 19.04.2012

Për

“Disa shtesa dhe ndryshime në Ofertën Referencë të Interkoneksionit në zbatim, të sipërmarrësit Vodafone Albania Sh.A.”

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Alketa	Mukavelati	Anëtar
4. Z. Benon	Paloka	Anëtar
5. Znj. Zamira	Nurçe	Anëtar

dhe sekretare Znj. Marsida Drushku, në mbledhjen e datës 19.04.2012, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, ligjin nr. 8480, datë 27.05.1999 “Për funksionimin e organeve kolegjiale të administratës shtetërore dhe enteve publike” dhe Rregullores së Brendshme të AKEP-it, shqyrtoi çështjen me objekt:

“Për disa shtesa dhe ndryshime në Ofertën Referencë të Interkoneksionit në zbatim, të sipërmarrësit Vodafone Albania Sh.A.,”

BAZA LIGJORE:

1. Shkronja c) e nenit 8, neni 52, pika 1 e nenit 114 dhe pika 1 e nenit 115 të ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë” (**ligji nr. 9918**);
2. Pika 17 e nenit 21 të “Rregullores së Brendshme të AKEP, miratuar me Vendim të Këshillit Drejtues të ERT-së, nr. 170, datë 24. 04. 2004, e ndryshuar dhe në fuqi sipas pikës 3 të nenit 138 të ligjit nr. 9918 (**Rregullorja e Brendshme**);
3. Rregullore nr. 19 datë 14.06.2010 për “Aksesin dhe Interkoneksionin” miratuar me VKD nr. 1300, datë 14.06.2010 e ndryshuar (**Rregullorja**);

4. Rregullore nr. 13 datë 16.04.2010 për “ Portabilitetin e Numrit” (e ndryshuar), miratuar me Vendim të Këshillit Drejtues të AKEP Nr.1219, Datë 07.04.2010.
5. Vendimi nr. 1467, datë 23.12.2010 të Këshillit Drejtues të AKEP “Për miratimin e Ofertës Referencë të Interkoneksionit të Vodafone Albania Sh.A”, i ndryshuar;
6. Vendimi nr. 1740 datë 20.12.2011, i Këshillit Drejtues të AKEP “Për shfuqizimin e VKD nr.1437 datë 3.11.2010 “Disa ndryshime në VKD nr.1347, datë 23.07.2010 “Për shqyrtimin e ankimit administrativ të Vodafone Albania Sh.A., për ndryshim të aktit administrativ, Vendim nr.1211, datë 31.03.2010 të AKEP “Për përcaktimin e sipërmarrësit Vodafone Albania Sh.A., me fuqi të ndjeshme në treg dhe vendosjen e masave rregulluese”
7. Rregullore nr. 24 datë 02.02.2012 të Këshillit Drejtues të AKEP “Për Autorizimin e Përgjithshëm” miratuar me VKD Nr.1774, datë 02.02.2012.

K Ë S H I L L I D R E J T U E S :

Nga shqyrtimi i praktikës dokumentare mbi çështjen, të përbërë nga:

1. Shkresa e sipërmarrësit Vodafone Albania Sh.A., me Ref. LGD/026/OX, datë 21.02.2012 “Dërgim i sugjerimeve të Vodafone Albania për amendimin e Ofertës Referencë të Interkoneksionit”.
2. Relacion shpjegues mbi projektvendimin (*Relacioni*) ;
3. Projektvendim i KD të AKEP për “Për disa shtesa dhe ndryshime në Ofertën Referencë të Interkoneksionit në zbatim të sipërmarrësit Vodafone Albania Sh.A” (*Projektvendimi*);
4. Materialet shkresore shoqëruese bashkëlidhur praktikës dokumentare mbi çështjen, si dhe, diskutimeve në mbledhje dhe bazës ligjore të sipërcituar,

V Ë R E N :

1. Sipërmarrësi Vodafone Albania Sh.A., me shkresën Ref. LGD/026/OX, datë 21.02.2012 “Dërgim i sugjerimeve të Vodafone Albania për amendimin e Ofertës Referencë të Interkoneksionit” drejtuar AKEP-it, parashtrohet sugjerimet e tij për amendimin e Ofertës Referencë të Interkoneksionit në zbatim, duke u shprehur se këto ndryshime janë të domosdoshme për implementimin e suksesshëm të akteve rregullatore të nxjerra nga AKEP-i, konkretisht:
 - Vendim i Këshillit Drejtues të AKEP (VKD), Nr. 1740, datë 20. 12. 2011 “ Për shfuqizimin e VKD nr.1437 datë 3.11.2010 “Disa ndryshime në VKD nr.1347, datë 23.07.2010 “ Për shqyrtimin e ankimit administrativ të Vodafone Albania Sh.A., për ndryshim të aktit administrativ, Vendim nr.1211, datë 31.03.2010 te AKEP “Për përcaktimin e sipërmarrësit Vodafone Albania Sh.A., me fuqi të ndjeshme në treg dhe vendosjen e masave rregulluese”;

- VKD, Nr. 1774, datë 02. 02. 2012 “Për Miratimin e dokumentit “Rregullore për Autorizimin e Përgjithshëm”.

2. Sugjerimet e sipërmarrësit Vodafone Albania Sh.A. për amendimin e Ofertës Referencë të Interkonksionit në zbatim, konsistojnë në:

- Plotësime të Seksionit “Përmbledhje”, Pjesa Kryesore për përfshirje të referencave me Rregulloren për Autorizimin e Përgjithshëm;
- Plotësime të Seksion 2 dhe 4 (Pjesa Kryesore).
- Ndryshime në Pjesa Kryesore, Seksioni 7, dhe në Aneksin e Tarifave, në lidhje me njoftimet për tarifën që nuk janë nën rregullim nga AKEP.
- Shtesa në Seksionin 8 (Pjesa kryesore), për përfshirje të referencave me Rregulloren për Autorizimin e Përgjithshëm;
- Shtesë në Seksion 10 (Pjesa Kryesore), pika 3:

Tarifat percaktohen në Leke për shërbimet e trafikut kombëtar dhe në Euro për shërbimet e trafikut ndërkombëtar, të percaktuara në Aneksin II. Për tarifën në Euro, faturimet në Euro konvertohen në Leke me kursin e këmbimit të publikuar nga Banka e Shqipërisë në datën e leshimit të faturës.

- Shtimin e pikës 6 në Seksion 24 (Pjesa Kryesore).
- Ndryshime në Seksionin 32 (Pjesa kryesore) në të tre pikat për trajtimin e ndryshimit të tarifave nën rregullim dhe atyre jashtë rregullimit;
- Shtesa në Aneks 1 “Perkufizime dhe Shkurtime”;
- Ndryshime në Aneks 2;
- Pika 4.3.2 e Aneks IV të ndryshohet si më poshtë:

4.3.2 Informacioni i nevojshëm është si vijon:

- Certifikatën e Konfirmimit të Njoftimit leshuar nga AKEP dhe Njoftimin e Regjistrimit përkatës në përputhje me Rregulloren “Për Autorizimin e Përgjithshëm”, miratuar me VKD 1774 datë 02.02.2012
- Kopje ekstrakti nga Qendra Kombëtare e Regjistrimit (QKR)
- Propozim mbi vendodhjen e Interkoneksionit
- Struktura e Rrjetit
- Propozim mbi rrugëzimin e trafikut
- Adresat e njeve të komutimit
- Menyra e lidhjes dhe infrastruktura që do të përdoret për të arritur deri në pikën e interkoneksionit (ose hapësirën e bashkevendosjes)
- Karakteristikat e pajisjes së transmetimit të përdorur për Interkoneksion
- Karakteristikat e pajisjes së komutimit të përdorur për Interkoneksion
- Shërbimet e kërkuara: zanore, të dhëna, faks, etj dhe përshkrimin teknik për to, në përputhje me Certifikatën e Konfirmimit të Njoftimit leshuar nga AKEP dhe Njoftimin e Regjistrimit depozituar pranë këtij institucioni

- Nëse Operatori Perfitues kërkon të kryejë tranzit nderkombëtar në rrjetin e Vodafone Albania, duhet të paraqesë të dhënat e Pikes Nderkombëtare të Sinjalizimit (ISPC) të caktuar nga AKEP dhe të paktën një marrëveshje me operator nderkombëtar. Gjithashtu, Operatori Perfitues duhet të disponojë Teknologji transmetimi TDM (Time Division Multiplexing) nëpërmjet shtresës fizike të fibrit me rrugëzim të mbrojtur e të sigurtë deri në pikën e lidhjes me operatorin ndërkombëtar (International Carrier)
- Seritë numerike që do të përfshihen në Marrëveshje sipas Autorizimit Individual për caktimin dhe përdorimin e numrave dhe serive numerike, leshuar nga AKEP
- Dokumentacionin përkatës nga AKEP lidhur me aftësinë për të kryer rrugëzimin e duhur të thirrjeve, sipas përcaktimeve të Rregullores “Për Portabilitetin e Numrit”
- Parashikimi për trafikun që do të shkëmbehen. Parashikimi për trafikun kombëtar duhet të jetë i i ndarë vecmas nga ai nderkombëtar, duhet të jetë i detajuar për çdo pikë interkoneksioni dhe shërbimi dhe duhet të përfshijë edhe parashikimin për ‘Përpjekjet për Thirrje’ gjatë ‘Oreve të Pikut’ dhe ‘Trafikun e oreve të Pikut’ (në Erlangs)
- Historikun e të dhënave për trafikun e gjeneruar nga abonentët e Operatorit Perfitues (origjinim/transitim/terminim) sipas raporteve të dorëzuara në AKEP periodikisht
- Procedurat dhe sistemet e informacionit që kanë të bëjnë me trajtimin dhe matjen e treguesve të cilësive, sipas Rregullores për Treguesit e Cilësive të Shërbimit, përfshirë këtu Manualin përkatës dhe dokumentat përberës, sipas nenit 7 të kësaj Rregulloreje
- Evidenca mbi ekzistencën e sistemeve që mundësojnë lejimin e përgjimit nga autoritetet kompetente, sipas legjislacionit në fuqi për përgjimin telekomunikimeve dhe zbatimin e detyrimeve që burojnë nga ky legjislacion
- Masat e marra nga Operatori Perfitues për sigurimin e aksesit pa pengesë në shërbimet e emergjencës në përputhje me seksionin 23 të Aneksit C të Rregullores për Autorizimin e Përgjithshëm
- Ekzistencën e kapaciteteve për shqyrtimin e problemeve që hasen nga konsumatorët dhe departamentin e shërbimit të konsumatorit, ose personelin e trajnuar përkatësisht

k. Pika 4.4.2 e Aneks IV të ndryshohet si më poshtë:

Informacioni i shkëmbyer do të përfshijë:

- Të dhënat mbi tipin e sinjalizimit dhe informacionin lidhur me Kodin(et) Kombëtar të Pikave të Sinjalizimit, caktuar nga AKEP sipas rekomandimeve të SS7.

- Informacionin lidhur me planin numerik te caktuar çdo pale dhe numrin e abonenteve ekzistues te Operatorit Perfitues ne momentin e paraqitjes se kerkeses per interkoneksion, te vertetuar nga evidencat perkatese
1. Shtimi i të drejtës që operatori celular te shkepuse kapacitetin e lidhur per trafikun nderkombetar, nese Operatori Perfitues nuk e perdor fare kete kapacitet per nje periudhe 2 (dy mujore).
 3. Përveç sipërmarrësit Vodafone Albania Sh.A., me shkresa përkatëse i janë drejtuar AKEP-it edhe sipërmarrësit AMC Sh.A., dhe Eagle Mobile Sh.A., duke sugjeruar gjithashtu amendimin e Ofertave Referencë të Interkoneksionit respektive, për të njejtën arsye të parashtruar edhe nga sipërmarrësi Vodafone Albania Sh.A.
 4. Pjesa më e madhe e sugjerimeve të të tre operatorëve celularë, të tilla si përfshirja e referencave për Rregulloren e Autorizimit të Përgjithshëm, rregulloreve dhe vendimeve të tjera që kanë lidhje me interkoneksionin dhe ofertat referencë, kërkesat shtesë për shkëmbim informacioni, përfshirjen e përkufizimeve shtesë dhe afate të njoftimit të ndryshimit të tarifave që nuk janë nën-rregullim, si edhe testete e vecanta ne SLA, janë të ngjashme dhe të arsyeshme.
 5. Por, disa nga sugjerimet e sipërmarrësit Vodafone Albania Sh.A., nuk konsiderohen të nevojshme, të drejta dhe të bazuara ligjërish dhe për këtë arsye nuk pranohen nga AKEP-i.

Konkretisht:

- a. Sugjerimet për të shtuar togfjalëshin “*Ndaj këtij shërbimi nuk zbatohen detyrimet e përcaktuara në këtë RIO*”, nuk janë të nevojshme pasi ndryshimet e ndodhura nga aktet e nxjerra nga AKEP-i për këtë qëllim, nuk gjejnë reflektimin e duhur me anët të ndërhyrjes legjislative të sugjeruar.
- b. Sugjerimi ku operatorit përfitues për lidhje MI i kërkohet edhe një *konfirmim nga AKEP që operatori është në përmbushje të të gjitha kërkesave të autorizimit të përgjithshëm*, nuk është i bazuar pasi detyrimi për plotësimin e kushteve të përcaktuara në aktet e nxjerra nga AKEP-i për këtë qëllim është një detyrim ligjor, dhe është pala e interesuar ajo që ka barrën e provës për të vërtetuar plotësimin e tyre nëpërmjet informacionit që paraqet tek sipërmarrësi për lidhjen e Marrëveshjes së Interkoneksionit (MI). Gjithashtu edhe vërtetimi i plotësimit të detyrimeve të marra përsipër nga ana e sipërmarrësit nëpërmjet vetdeklarimit sipas aplikimit të zbatuar në përputhje me Rregulloren Nr. 24 “Për Autorizimin e Përgjithshëm”, miratuar me VKD Nr. Nr.1774, datë 02.02.2012, me qëllim lidhjen e MI me operatorët e tjerë, është në barrën e palës së interesuar që paraqet kërkesën për lidhjen e MI-së. AKEP-i vihet në lëvizje nëpërmjet procesit të zgjidhjes së mosmarrëveshjes së mundshme gjatë verifikimit të pretendimeve nëse pala e interesuar nuk arrin të vërtetojë përmbushjen e këtyre kushteve, si dhe në rastet e verifikimit të plotësimit të detyrimeve ligjore dhe masave rregullatore, nëpërmjet inspektimit sipas planifikimit vjetor për këtë qëllim.
- c. Sugjerimi për informacion mbi “*Teknologji transmetimi TDM (Time Division Multiplexing) nëpërmjet shtresës fizike të fibrës me rrugëzim të mbrojtur e të sigurtë deri në pikën e lidhjes me operatorin ndërkombëtar (International Carrier)*”, është një përcaktim i pa nevojshëm.

6. Përveç sugjerimeve që gjejnë përputhje, në shkresat e tre sipërmarrësve drejtuar AKEP-it me të njëjtin objekt për amendimin e Ofertave Referencë të Interkoneksionit në zbatim, ka edhe sugjerime të tjera të drejta dhe të bazuara ligjërisht, të cilat me gjithëse janë individuale dhe nuk sugjerohen nga i njëjti sipërmarrës, nga pikpamja rregullatore janë të nevojshme për të qenë pjesë e secilës nga Ofertat Referencë të Interkoneksionit në zbatim të këtyre sipërmarrësve.
7. Sugjerimet e dhëna më sipër, të pranuar nga AKEP-i për amendimin e Ofertës Referencë të Interkoneksionit, reflektojnë qëndrimet rregullatore të AKEP-it të vendosura nëpërmjet akteve normative dhe individuale administrative të nxjerra pas periudhës së publikimit dhe hyrjes në fuqi të kësaj Oferte Referencë të Interkoneksionit në zbatim. Ato përmirësojnë ndieshëm kuadrin rregullator lidhur me kushtet për lidhjen e marrëveshjeve të interkoneksionit në përputhje me detyrimet ligjore dhe kushtet aktuale të tregut. Garantojnë më mirë kërkesën ligjore për kushtet e veçanta, për ndershmërinë, mosdiskriminimin, transparencën dhe arsyeshmërinë gjatë procesit të negocimit midis sipërmarrësve për lidhjen e MI. Pas miratimit të shtesave dhe ndryshimeve në Ofertat referencë të Interkoneksionit, është e nevojshme që ato të reflektohen edhe në marrëveshjet e interkoneksionit të lidhura nga sipërmarrësi Vodafone Albania Sh.A., me operatorët e tjerë.

P Ë R K Ë T O A R S Y E :

Bazuar në pikën 1 të nenit 114 dhe pikën 1 të nenit 115, të ligjit nr. 9918, si dhe pikën 17 të nenit 21 të Rregullores së Brendshme, në zbatim të shkronjën c) të nenit 8 dhe nenin 52 të ligjit nr. 9918 dhe Rregullores Nr. 19, datë 14.06.2010 “Për Aksesin dhe Interkoneksionin”, e ndryshuar,

V E N D O S :

1. Të pranojë pjesërisht sugjerimet e sipërmarrësit Vodafone Albania Sh.A., për disa shtesa dhe ndryshime në Ofertën Referencë të Interkoneksionit në zbatim dhe t'i miratojë ato sipas dokumentit bashkëlidhur këtij vendimi (Aneksi 1).
2. Përveç sugjerimeve të sipërmarrësit Vodafone Albania Sh.A., të pranuar nga AKEP-i sipas pikës 1 të këtij dispozitivi, në Ofertën Referencë të Interkoneksionit në zbatim, AKEP sipas dokumentit bashkëlidhur (Aneksi 1) vendos edhe disa shtesa dhe ndryshime të tjera që i konsideron të nevojshme.
3. Bazuar në pikën 32.2 të Ofertës Referencë të Interkoneksionit në zbatim të sipërmarrësit Vodafone Albania Sh.A., ndryshimet e pësuara nëpërmjet këtij vendimi do të bëhen pjesë e marrëveshjeve të interkoneksionit të lidhura midis Vodafone Albania dhe paleve të tjera, me efekte nga data e përcaktuar nga AKEP për hyrjen në fuqi të tyre, si më poshtë:
 - a. Për hyrjen në fuqi të ndryshimit në lidhje me tarifën e terminimit të thirrjeve hyrëse ndërkombëtare (nga nën-rregullim në komerciale), do të zbatohet afati i

përcaktuar në vendimet e KD të AKEP, Nr.1739, 1740, 1741 dhe 1742, datë 20.12.2011, që ndryshimi hyn në fuqi më datë 01.02.2012;

- b. Amendimet e Ofertës Referencë të interkoneksionit në zbatim, të miratuara në këtë vendim, do të duhet të hyjnë në fuqi në datën e mbarimit të periudhës tranzitore të përcaktuar në Rregulloren e Autorizimit të Përgjithshëm, pra më datë 09.05.2012.
4. Oferta Referencë e Interkoneksionit me shtesat dhe ndryshimet e pësuara sipas këtij vendimi, të publikohet nga sipërmarrësi Vodafone Albania Sh.A., brenda 7 ditëve pas marrjes së njoftimit vendimit.
5. Vendim të publikohet në faqen e internetit te AKEP: www.akep.al

Ky vendim hyn në fuqi në datën e miratimit të tij.

K R Y E T A R I
Piro XHIXHO

ANËTARET E KËSHILLIT DREJTUES:

1. Alban KARAPICI
2. Alketa MUKAVELATI
3. Benon PALOKA
4. Zamira NURCE

ANEKSI 1

SHTESAT DHE NDRYSHIMET NE OFERTËN REFERENCË TË INTERKONEKSIONIT NË ZBATIM TË SIPERMARRËSIT VODAFONE ALBANIA SH.A., TË MIRATURA NGA AKEP-I ME VENDIMIN E KËSHILLIT DREJTUES

Nr. __, DATË ____ .04. 2012

1. Tek Pjesa Kryesore “Përmbledhje” gërmat “c” dhe “e” ndryshohen si më poshtë:
 - (c) Oferta Reference e Interkoneksionit zbatohet për sipermarrësit që operojnë në Republikën e Shqipërisë, të cilët janë të autorizuar nga AKEP sipas regjimit të autorizimit të përgjithshëm dhe që kanë të drejtë të interkonektohen, në përputhje me Ligjin 9918, datë 19.05.2008, “Për Komunikimet Elektronike në Republikën e Shqipërisë” (Ligji 9918), Rregulloren për Akses dhe Interkoneksion, **Rregulloren për Autorizimin e Përgjithshëm dhe çdo akt tjetër rregullator, që ka lidhje me kete Oferte Reference**, në fuqi të miratuar nga AKEP.
 - (e) Kjo Oferta Reference Interkoneksioni shërben si bazë për Marreveshjen e Interkoneksionit midis Vodafone Albania dhe operatorit përfitues, marreveshje e cila do të përfshijë edhe shërbimet e ofruara nga Operatori **Përfitues në përputhje me Rregulloren për Autorizimin e Përgjithshëm**, së bashku me tarifën përkatëse.
2. Tek Pjesa Kryesore, Seksioni 2. Kuadri Ligjor, pikat 2.2 dhe 2.3 ndryshohen si më poshtë:
 - 2.2. Rregulloren nr.19, datë 14.06.2010 “Për Aksesin dhe Interkoneksionin” miratuar me Vendimin e Këshillit Drejtues të AKEP Nr. 1300, datë 14.06.2010, i ndryshuar (këtë e tutje ‘Rregullorja e Aksesit dhe Interkoneksionit’); **Rregulloren nr 16, datë 16.04.2010 “Për treguesit e cilesise” miratuar me VKD 1256, datë 16.04.2010; Rregulloren nr. 18, datë 11.06.2010 “Për procedurat e zgjidhjes së mosmarreveshjeve”, miratuar me VKD nr 1296, datë 11.06.2010; Rregulloren “Për portabilitetin e numrit” e ndryshuar, miratuar me VKD nr 1219, datë 7.4.2010; VKD nr 1318 datë 14.06.2010 “Për miratimin e specifikimeve teknike për portabilitetin e numrit”; Rregulloren “Për Autorizimin e Përgjithshëm” miratuar me VKD nr. 1774, datë 02.02.2012 si dhe çdo akt tjetër normativ të nxjerre nga AKEP me ndikim në kete Oferte Reference të Interkoneksionit.**
 - 2.3 **Vendimin e Këshillit Drejtues të AKEP, Nr. 1211, datë 31.03.2010, i ndryshuar, që ka përcaktuar Vodafone Albania sipermarrës me Fuqi të Ndjeshme në Treg (FNT) dhe masat rregulluese për këtë status në tregun me shumicë të terminimit të thirrjeve në rrjetin Vodafone Albania dhe në tregun me shumicë të aksesit dhe origjinimit të thirrjeve në rrjetet celulare në Republikën e Shqipërisë : VKD nr 1505, datë 10.02.2011, VKD nr 1507, datë 10.02.2011 dhe VKD nr 1559, datë 20.04.2011.**

3. Tek Pjesa Kryesore, Seksioni 3, në fund të paragrafit 3.4 shtohet fraza e mëposhtëme:
3.4 **....dhe çdo akt tjetër normativ i nxjerre nga AKEP me ndikim në këto Oferte Reference Interkoneksioni.**
4. Tek Pjesa Kryesore, Seksioni 32 ndryshon si më poshtë:
- 32.1 Ndryshimet ose shtesat e kësaj Oferte Reference, duke përfshirë Aneksin e saj, Amendamentet, Shtojcat dhe Listat e Shërbimeve, behen sipas përcaktimeve ligjore dhe nënligjore dhe janë objekt i miratimit nga AKEP. Ndryshimi i tarifave që nuk janë objekt rregullimi nga AKEP, **hyjnë në fuqi pa miratimin e AKEP, për sa kohë AKEP nuk shprehet me vendim për mosmiratimin/pezullimin e ndryshimit të tyre.**
- 32.2 Çdo amendim i RIO së Vodafone Albania (përveç rasteve në pikën 32.3) që kryhet në përputhje me udhëzimet/vendimet e AKEP e ka lidhje me:
- përcaktimin, rregullimin ose heqjen nga rregullimi të tarifave apo shërbimeve të përfshira në RIO-n e Vodafone Albania;
- behë pjesë e marrëveshjes së interkoneksionit të lidhura nga Vodafone Albania me palet e tjera, me efekte nga data e përcaktuar nga AKEP për hyrjen në fuqi të tyre.**
5. Tek Aneksi 1 “Përkufizime dhe Shkurtime”, në pikën 1.1, shtohen përkufizimet e termave:
- “ISPC”: Kodi i Pikes së Sinjalizimit Nderkombëtar (International signalling point code).
 - “NSPC”: Kodi i Pikes së Sinjalizimit Kombëtar (national signalling point code).
- 5.1 Tek përkufizimi i termit “Shërbimi i Terminimit në Vodafone Albania” të shtohen:
- **“Shërbimi i Terminimit të trafikut kombëtar në Vodafone Albania”**
Shërbimi nëpërmjet të cilit Vodafone Albania, në emër të Operatorit Përfutës përcjell Thirrjet kombëtare të këtij të fundit, ose të tranzituara prej tij, nga Pika e Interkoneksionit për në një Pike fundore të Rrjetit të tij në Republikën e Shqipërisë, të identifikuar nëpërmjet numrave të abonenteve/ pajtimtareve të Vodafone Albania.
 - **“Shërbimi i Terminimit të trafikut ndërkombëtar në Vodafone Albania”**
Shërbimi nëpërmjet të cilit Vodafone Albania, në emër të Operatorit Përfutës përcjell Thirrjet ndërkombëtare, të tranzituara nga ky i fundit, nga Pika e Interkoneksionit për në një Pike fundore të Rrjetit të tij në Republikën e Shqipërisë, të identifikuar nëpërmjet numrave të abonenteve/pajtimtareve të Vodafone Albania.

6. Tek Aneks II “Shërbimet dhe Tarifat e Interkonksionit”, germa “b” e pikës 2.3.1.2 të ndryshohet si më poshtë:

2.3.1.2 Sherbimi 102 do te kete ne dispozicion kapacitet (kapacitete) ekskluziv te dedikuar transmetimi, i ndryshem nga ai i sherbimeve te tjera te terminimit.

7. Tek Aneks II “Shërbimet dhe Tarifat e Interkonksionit”, në pikën 2.4.1 numri 102, teksti në Kolonat “Tarifa për Kohëzgjatje”, “Tarifa për Thirrje” të ndryshohet si më poshtë:

Tarife komerciale

Vodafone Albania ka te drejten e ndryshimit te tarifave per kete sherbim sipas përcaktimeve të Seksion 7, Në Pjesa Kryesore të RIO.

8. Tek Aneks IV “Karakteristikat e Përgjithshme të Interkoneksionit” behen ndryshimet si me poshte:

8.1 Pika 4.3.2 të ndryshohet si më poshtë

4.3.2 Informacioni i nevojshem eshte si vijon:

- **Kopje e Çertifikates se Konfirmimit te Njoftimit leshuar nga AKEP ne perputhje me Rregulloren “Per Autorizimin e Pergjithshem”, miratuar me VKD 1774 date 02.02.2012;**
- **Kopje ekstrakti nga Qendra Kombetare e Regjistrimit (QKR);**
- **Propozim mbi vendodhjen e Interkoneksionit;**
- **Struktura e Rrjetit;**
- **Tabelen e rrugezimeve te trafikut nderkombetar duke siguruar te pakten dy rrugezime per secilin destinacion;**
- **Adresat e nyjeve të komutimit;**
- **Menyra e lidhjes dhe infrastruktura qe do te perdoret per te arritur deri ne piken e interkoneksionit (ose hapësiren e bashkevendosjes);**
- **Karakteristikat e pajisjes së transmetimit të përdorur për Interkoneksion;**
- **Karakteristikat e pajisjes së komutimit të përdorur për Interkoneksion;**
- **Shërbimet e kërkuara: zanore, të dhëna, faks, etj dhe pershkrimin teknik per to, ne perputhje me Certifikaten e Konfirmimit te Njoftimit leshuar nga AKEP;**
- **Nese Operatori Perfitues kerkon te kryeje tranzit nderkombetar ne rrjetin e Vodafone Albania, duhet te paraqese te dhenat e Pikes Nderkombetare te Sinjalizimit (ISPC) te caktuar nga AKEP dhe te pakten nje marreveshje perfundimtare te lidhur me operatorin nderkombetar;**

- Seritë numerike që do të përfshihen ne Marreveshje sipas Autorizimit Individual per caktimin dhe perdorimin e numrave dhe serive numerike, leshuar nga AKEP;
- Vetedeklarimin lidhur me aftesine per te kryer rrugezimin e duhur te thirrjeve, sipas percaktimeve te Rregullores “Per Portabilitetin e Numrit”, e ndryshuar;
- Parashikimi per trafikun qe do te shkembehën. Parashikimi per trafikun kombetar duhet te jete i i ndare vecmas nga ai nderkombetar, duhet te jete i detajuar per çdo pike interkoneksioni dhe sherbimi dhe duhet te perfshijne edhe parashikimin per ‘Perpjekjet per Thirrje’ gjate "Oreve te Pikut” dhe "Trafikun e oreve te Pikut” (ne Erlangs);
- Historikun e te dhenave per trafikun e gjeneruar nga abonentet e Operatorit Perfitues (origjinim/tranzitim/terminim) sipas raporteve te dorezuara ne AKEP periodikisht
- Procedurat dhe sistemet e informacionit qe kane te bejne me trajtimin dhe matjen e treguesve te cilesise, sipas Rregullores per Treguesit e Cilesise se Sherbimit, perfshire ketu Manualin perkates dhe dokumentat perberes, sipas nenit 7 te kesaj Rregulloreje;
- Vetedeklarimin mbi ekzistencen ose jo te sistemeve qe mundesojne lejimin e pergjimit nga autoritetet kompetente, sipas legjislacionit ne fuqi per pergjimin e telekomunikimeve;
- Masat e marra nga Operatori Perfitues per sigurimin e aksesit pa pengese ne sherbimet e emergjences ne perputhje me seksionin 23 te Aneksit C te Rregullores per Autorizimin e Pergjithshem

8.2. Pika 4.4.2 të ndryshohet si më poshtë:

4.4.2 Informacioni i shkëmbyer do te perfshije:

- Te dhenat mbi tipin e sinjalizimit dhe informacionin lidhur me Kodin(et) Kombetar te Pikave te Sinjalizimit, caktuar nga AKEP sipas rekomandimeve te SS7.
- Informacionin lidhur me planin numerik te caktuar çdo pale dhe numrin e abonentëve ekzistues te Operatorit Perfitues ne momentin e paraqitjes se kerkeses per interkoneksion, te vertetuar nga evidencat perkatese

9. Tek Aneks VI “Procedura e Parashikimit te Kapacitetit te Interkoneksionit”, në fund të Pikës 6.1 të shtohet paragrafi:

Ne rast se Operatori Perfitues kerkon te tranzitoje trafik nderkombetar ne rrjetin e Vodafone Albania , atehere parashikimi per trafikun nderkombetar duhet te paraqitet i ndare nga trafiku kombetar.

10. Në Marrveshjen e Nivelit të Shërbimit (SLA) , në Seksion 6 të shtohet pika 6.8 si më poshtë:

Matjet per treguesit e cilesise se trafikut te behen te ndara per trafikun e thirrjeve hyrëse me origjinë Kombëtare, Ndërkombëtare dhe trafikun drejt numrave te portuar.